

心之險譎尙堪問耶古之人遇有水旱饑饉必先之以衣食以急其所當急今之人遇有災厲之補救也必先事虛文急者緩之緩者急之冠履倒置而又張大其詞曰急以此爲急行將索災黎於枯魚之肆已築室謀道三年無成災黎何不幸而生逢斯世也甚至有平日以大慈善家自居遇有緩急從中竊取利祿抑或中飽甚更有奪人之功貪天之功以沽名釣譽者其罪可勝道耶嗚呼天胡不弔哀我無辜士也不良皆從其心心之所向弗正而又自以爲正者殺無赦故曰孰無父母孰無兄弟我居樂土人葬魚腹試一回首我逢此境當如何痛心慘目推己及人當有同情耳是慈者當止於慈以其所止而止之則急其所急又爲當務之急更爲慈業之真根基已較之徒事虛文者不亦善中之大善乎

老祖甚望諸方從急中之急以行其慈則無故罹浩劫之胞與或將有慶更蘇之望而我諸方亦立大根基於斯世已嗚呼道在中庸中庸不易無過不及之弊急者急之緩者緩之而後真慈悲真憫惻將秉天地好生之德以固其氣以清其靈已吁中庸弗易慈悲更難

(賑災星刊)

## 唐紹儀等爲江浙籌備善後電

旅居上海之民黨首領唐紹儀及江浙士紳施肇曾張一塵等以東南戰事行將結束兩省人民罹災待賑者較之北方水災情形尤爲慘切特於江日合電北京請將海關附加稅指撥半數拯濟東南茲將原文電照錄如下

(銜略)江浙戰事業已經月人民輾轉溝壑顛沛流離慘苦之情狀非筆墨所能宣其在戰線以內者殘破之餘無衣無食即在戰線以外者經此戰禍百業銷沉迫於饑寒勢將垂斃至少當在六七百萬人其數現在戰事尙未結束已成枯魚涸轍此後隱患更不勝言江浙兩省人民素以慈善爲懷歷年北方水旱等災議賑籌捐羣以江浙爲淵藪今則兩省全感兵災商輟於市農荒於耕卽素封之家亦復朝不保暮其慘酷不亞於清時洪楊之禍所有目前急賑將來冬賑及戰事以後之善後在在需款至少亦須兩千萬元政府旣無暇顧及而人民經濟竭蹶無術可籌查本年北方水災政府議決海關附加稅約計歲

得八百萬元中央視民如傷對於天降之水災尙力求救濟則於人造之兵禍其益加惻憫當更十倍於天災江浙人民不敢望前項附加稅全數指撥東南但求協濟其半計歲得四百萬元亦屬不無小補如蒙允准請飭總稅務司以每月附稅總收入之半由江海關逕交上海華洋義賑會具領即由該會分別災情輕重辦理江浙兵災賑濟事宜並准該上海華洋義賑會以此項海關附稅之半向銀行抵借現款以濟急需迫切上陳伏候鑒納唐紹儀施肇曾張一麐王同愈唐文治秦潤卿倪遠浦宋漢章徐冠南陸維鏞陸維鴻孫仲英江印

## 各國善行類

### 種竹筍法

經濟週刊  
趙國蘭譯

竹子所發之芽按華文有各類不同之名稱如「竹子」「竹萌」「竹芽」及「竹筍」而最普通者爲竹筍頗爲奢華度日者所重視各種竹子幾乎盡生竹筍然極適口者大半產自江南竹按科學名稱謂 *Phyllostachys Mitriv* 蓋此種竹專爲採筍而種他種竹則以竹筍爲附產也江南竹所長竹幹極高四丈或五丈爲平常之高度其直徑大可至四寸或五寸嫩竹呈淡綠色而其幹之色較深且負戴白粉當竹子漸漸長大時白粉亦隨之消沒而其色亦微黃竹幹可分若干節長短不齊距中間最近者爲最長且自下而上愈高愈細主要竹根在地面以下向各方向幾平行生長若景况相宜春間竹筍即從此等竹根發生而生長且極迅速出土後四星期甚至至有在二十四小時內長至二尺之高者惟不多見割筍當在幼嫩之時但在未用之先亦可保